

Headline **Rukun Negara berkesan perkukuh perpaduan kaum**  
Date **19. Sep 2008** Language **MALAY**  
Media Title **Berita Harian** Page No **34**  
Section **Nasional** Article Size **135** cm2  
Circulation **217920** Frequency **Daily**  
Readership **2083000** Color **Full Color**  
AdValue **2401.50**



## Rukun Negara berkesan perkukuh perpaduan kaum

**S**ARANAN Presiden MIC, Datuk Seri S Samy Vellu supaya kerajaan mewujudkan sebuah Majlis Hubungan Antara Kaum amat penting diberikan perhatian semua pihak. Malah cadangan itu tepat pada masanya memandangkan senario dan iklim politik semasa yang tidak menentu.

Saya percaya Kementerian Perpaduan, Kebudayaan, Kesenian dan Warisan boleh memikul tanggungjawab ini terutama di bawah Jabatan Perpaduan Negara dan Integrasi Nasional (JPNIN). Saya juga optimis jabatan itu boleh memainkan peranan berkesan dalam meningkatkan kesedaran, penghayatan serta membina hubungan etnik yang harmonis dalam kalangan masyarakat Malaysia yang berbilang bangsa, agama dan budaya.

Inilah keunikan negara kita yang mempunyai masyarakat multi etnik. Malah, tema perayaan ulang tahun Hari Kebangsaan ke-51 iaitu 'Perpaduan Teras Kejayaan' juga penting dihayati

semua masyarakat.

Saya berpendapat ahli politik perlu lebih peka dan rasa tanggungjawab menyemai semangat perpaduan di kalangan masyarakat Malaysia. Ungkapan retorik dan kenyataan yang berbau perkauman perlu dielakkan.

Semoga cadangan mewujudkan Akta Hubungan Antara Kaum dan Majlis Hubungan Antara Kaum dapat diberikan perhatian serius oleh pihak kerajaan agar masyarakat Malaysia terutama belia dapat terus memastikan kelangsungan perpaduan yang disemai sejak 51 tahun lamanya.

Saya berpendapat kursus wajib, iaitu Hubungan Etnik

yang dipelajari semua pelajar IPTA amat berkesan dan ia perlu diwajibkan kepada pelajar IPTS.

Pembudayaan hubungan etnik yang baik perlu disuburkan sejak kecil lagi. Semua pihak perlu bersikap matang dalam memberikan pandangan isu berkait rapat hubungan intra-etnik dan inter-etnik.

Saya juga berminat mencadangkan teras utama dalam Majlis Hubungan Antara Kaum dan Akta Hubungan Antara Kaum perlu berpaksikan Rukun Negara.

**DR SARJIT  
SINGH GILL,**  
*Fakulti Ekologi Manusia  
Universiti Putra Malaysia.*